

COMUNICATO n. 2397 del 03/09/2021

Traduzione in ladino

“Mulini aperti”: tel Trentin l’è 34 frabiches, anter molins, sies e fojines, che averc sie ujes a la jent

Ai 5 de setember l’è la giornèda “Mulini aperti”, scomenzadiva portèda dant da la Sociazion Talièna “Amici dei Mulini Storici” (AIAMS) che la laora con chela de studièr, valorisèr e portèr inant la frabiches idrauliches te la Tèlia.

Te la provinzia de Trent la frabiches da poder vijitèr les é 34: molins, sies e fojines de proprietà publica e di privac.

Obietif de chesta giornèda l’è chel de fèr cognoscer al publich n patrimoniè architetonich, tecnologich e culturèl, scialdi desmentia, sensibilisèr l stravardament di fabricac, portèr dant sorts de turism educatìf/che educhea, e per engaisèr la cognoscenza di lesc ambientèi che no i é entesseé e pontèr via endodanef col lurier di molins che sie bon de lurèr fora a na vida tradizionèla l gran che vegn cà da na agricoltura biologica te farines e prodoc per magnèr san.

Responsabola per l Trentin l’è Antonella Mott, del “Museo degli Usi e Costumi della Gente Trentina”.

L’event dèsc l met de poder ite ti lesc de lurier de gran marevea, loghé enlongia jù i ruves, olache la forza de l’èga la é bona de mever la rodes e i engranajes che tel passà i vegnia duré per majenèr la farines, per enjignèr la brées e per èrc de lurier de fer. La giornèda “Mulini aperti”, la tol l post de le “Giornate Europee dei Mulini”, che vegnissa endrezà la terza setemena de mé, event che ti ultimes doi egn no se à meter a jir a cajon de la pandemia da Covid-19.

MOLINS AVERC TE FIEM E FASCIA:

• **L MOLIN DE PEZOL / IL MULINO** - Sezion sul teritorie del Museo Ladin de Fascia, Pera

Orarie: 15.00 - 18.00
Informazioni: 0462.760182

• **MULINO DELLA MENECHINA**, Capriana (Fiem)

Orarie: 14.00 - 18.00
Informazioni: 347.4466763

Traduzion di Servijes Linguistics e Culturèi del Comun general de Fascia
(Traduzione a cura dei Servizi Linguistici e culturali del Comun general de Fascia)

(cdt)